

## სამაგისტრო პროგრამის სახელწოდება: ეკონომიკა

სასპეციალიზაციო მოდულებით:

1. საერთაშორისო ეკონომიკური ურთიერთობები
2. ეკონომიკური პოლიტიკა და ეკონომიკური დიპლომატია (ერთობლივი მოდული, პარტნიორი ბერლინისა და ციურიხის ტექნიკური უნივერსიტეტები)
3. მაკროეკონომიკა
4. ეკონომეტრიკა და სტატისტიკა

**პროგრამის ხელმძღვანელი :** სრული პროფესორი ელგუჯა მექვაბიშვილი  
**მოდულის ხელმძღვანელები :**

1. ასოცირებული პროფესორი ლარისა ყორღანაშვილი (გლობალისტიკა და საერთაშორისო ეკონომიკური ურთიერთობები)
2. სრული პროფესორი რევაზ გველესიანი და აკადემიური დოქტორი თამარ ბერუჩაშვილი (ეკონომიკური პოლიტიკა და ეკონომიკური დიპლომატია )
3. სრული პროფესორი ნოდარ ხადური (მაკროეკონომიკა)
4. სრული პროფესორები: იური ანანიაშვილი და სიმონ გელაშვილი (ეკონომეტრიკა და სტატისტიკა)

**მისანიჭებელი აკადემიური ხარისხი :** ეკონომიკის მაგისტრი (MA in Economics)

**პროგრამაზე დაშვების წინაპირობა :**

-სამაგისტრო პროგრამაზე დაშვების მსურველი უნდა აკმაყოფილებდეს საერთო საუნივერსიტეტო პირობებს;

-სამაგისტრო პროგრამაზე ჩარიცხვის მსურველს უნდა ჰქონდეს ბაკალავრის აკადემიური ხარისხი ნებისმიერი სპეციალობით;

-დაშვება შესაძლებელია მხოლოდ განათლებისა და მეცნიერების სამინისტროს მიერ ორგანიზებული საერთო სამაგისტრო და სამაგისტრო პროგრამაზე მისაღები გამოცდების ჩაბარების შემთხვევაში;

-სამაგისტრო პროგრამაზე მისაღები გამოცდის (ეკონომიკის პრინციპები) ჩატარების წესები განსაზღვრულია უნივერსიტეტის ადმინისტრაციის მიერ.

**პროგრამის მიზნები:**

სამაგისტრო პროგრამის მიზანია ეკონომიკაში ინტეგრირებული, სისტემური, ფუნდამენტური თეორიული ცოდნის, სამეცნიერო კვლევის, დამოუკიდებელი აზროვნების, შემოქმედებითი და პრაქტიკული მუშაობის უნარ-ჩვევების მქონე კონკურენტუნარიანი და მაღალკვალიფიციური სპეციალისტების მომზადება.

პროგრამა მიზანად ისახავს მოამზადოს სპეციალისტები, რომელთაც:

- აქვთ ფუნდამენტური ცოდნა ეკონომიკური თეორიისა და პრაქტიკის სფეროში; მოხმარებაზე, დანახოებზე, ინვესტიციებზე, სავალუტო კურსსა და სავაჭრო ბალანსზე მოქმედი ეკონომიკური ქცევების, საქონლის, წარმოების ფაქტორებისა და ფინანსური აქტივების საერთაშორისო მოძრაობის კანონზომიერებების, გლობალური ეკონომიკური პრობლემების, ეროვნული და საერთაშორისო ეკონომიკური პოლიტიკის და მისი ინსტრუმენტების, ეკონომიკაში თანამედროვე რაოდენობრივი და სტატისტიკური მეთოდების გამოყენების შესახებ;

- გააჩნიათ ეროვნული და გლობალური ეკონომიკური ტენდენციების ანალიზის, მიღებული შედეგების შეჯერებისა და სინთეზის, განზოგადებული დასკვნების გაკეთების უნარი; საკუთარი დასკვნების საჯარო წარმოდგენა, მათი მკაფიო დასაბუთება შესაბამისი ცოდნითა და ლოგიკით როგორც სპეციალისტებთან, ისე არასპეციალისტებთან;
- ზოგად კომპეტენციასთან ერთად, გააჩნიათ სპეციალური ცოდნა და კომპეტენციები, კრეატიული და ინოვაციური საქმიანობის უნარ-ჩვევები;
- აქვთ ეკონომიკის ისეთი სიღრმისეული და სისტემური ცოდნა, რომელიც იძლევა დოქტორანტურაში სწავლის გაგრძელების შესაძლებლობას.

## შედეგები:

სამაგისტრო პროგრამის წარმატებით გავლის შემდეგ ეკონომიკის მაგისტრები შეძლებენ:

- ქვეყანაში და მსოფლიოში მიმდინარე ეკონომიკური რეფორმებისა და პროცესების შეფასებასა და ანალიზს; ფასების, დასაქმების, მონეტარული და ფისკალური, საბიუჯეტო პოლიტიკის, საპროცენტო განაკვეთების და, ზოგადად, მაკროეკონომიკურ გარემოზე მოქმედი ფაქტორების ანალიზს, შეფასებას და შესაბამისი გადაწყვეტილებების მიღებას;
- თეორიულ და გამოყენებით კვლევას კონკრეტულ სიტუაციებში ეკონომიკური ანალიზის, პროგნოზირების და გადაწყვეტილების მიღების მიზნით, თანამედროვე ეკონომეტრიკული და სტატისტიკური ანალიზის მეთოდების გამოყენებით;
- ცოდნის ინტეგრირებას საერთაშორისო ეკონომიკის თანამედროვე პრინციპებისა და მეთოდების გამოყენებით; გლობალიზაციის პირობებში წარმოშობილი საერთაშორისო ეკონომიკური პრობლემების და საერთაშორისო ეკონომიკური ორგანიზაციების მხრიდან მათი რეგულირების მექანიზმების ანალიზს; მსოფლიო ეკონომიკაში წარმატებული ინტეგრაციის გზების დასახვას;
- ეროვნული ეკონომიკური პოლიტიკის და ეკონომიკური დიპლომატიის ხერხების ეფექტიანად გამოყენებას, სახელმწიფოს სტრატეგიული ინტერესების პრაქტიკაში რეალიზებას.

## დასაქმების სფეროები:

ეროვნული და საერთაშორისო ეკონომიკური, სავალუტო-საკრედიტო და საფინანსო ინსტიტუტები, ფონდები, დიპლომატიური სამსახურები და წარმომადგენლობები, კონსალტინგური ცენტრები, სახელმწიფო დაწესებულებები (პრეზიდენტის აპარატი, პარლამენტი, სამინისტროები), მუნიციპალური მართვის ორგანოები, სახელმწიფო და კერძო საკუთრების საერთაშორისო და ეროვნული ფირმები, საერთაშორისო ორგანიზაციები (გაეროს, მსოფლიო ბანკის, საერთაშორისო სავალუტო ფონდის და ა. შ. სტრუქტურებში), საგანმანათლებლო დაწესებულებები და კვლევითი ინსტიტუტები.

სწავლების პერიოდში მიღებული ცოდნა მაგისტრებს საშუალებას აძლევს წარმატებით იმუშაონ ეკონომისტებად, კონსულტანტებად, ექსპერტებად, ანალიტიკოსებად და პროგნოზისტებად.